

祝允明行书帖

玉一
册玉

清獻閣藏帖



蓋其地面南而闢入門樹巨石
以的其前曰開勝屏次疏通渠
如帶環而繚之曰圍玉溪杠石於

溪以渡曰梯仙橋自橋麓路以入
曰通幽徑駢柏為門曰鎖春扉四
栝隅立縛茆以拊其顛曰維節
亭之後梧桐夾植屋其中央
曰傳鸞館、後一石肖芝曰芝

巖後結竹格附檜為脩屏
橫亘數十丈曰香葉簾簾內廣
庭梅花回合曰玉妃叢於是為
堂奠其中以網維羣境延納
衆竒凡列軒楹弘敞翬翼曰

集秀堂外活溪平鋪曠
澄紉崇山浸其中曰涵
芳沼循沼而左先得柏
亭一寔冬涉之始也其
名曰歲寒通隱亭側倚
石如靜女曰垂髫衣出
亭小折為橋二

前曰導勝後曰月梁二橋之間壚
土舒而為陂藕花繞之曰君子洲
邊二石對峙一曰補袖一曰了經用
昔人詩語加以二髡號維其似
也由月梁稍前始入洞高廣

僅容人行之為三四曲，盡變
石牀可憩，卧雲窩出曲石壁，
三面高二丈餘，與蜿蜒之徑皆
不斷，忽其上豁然而開，天宇朗
照，緣壁上隙有梅橫出，覆之。

與它名卉時墮落英二三片看
洞頂林杪人行若仙人凌空而
過如是露境丈許覆其間面
若室額與外境不少接目之
曰隔凡既復螺旋以入前洞瀕

洞一隅壁稍注入恰受兩三人
安茶竈其下曰骨清仙竇用之
玉川語也乃入洞中飛石為梁
以臨潛流淵映湛々虛梁之一
角以俯瞰水激爽徹骨一傍

連巨石可眯目之曰枕流谷出
谷委徑轉而陟洞頂一峯三之
狀若水涌名之曰飛濤為石之
奇者三一若坐佛子曰大士岩
一凝然曰雲根小而末銳卓

高霞曰玉筍峯側有結構假
樊紹述詞稱之曰層々青士下
頂躋派一槁文石所甃曰綵霓
楊多古槐標而蟠之曰九曲南
柯步間石之奇者二一脊銳角

行極肖伏翼曰青玉螭一團樂
如餅中有大空曰漏卮石傍有
硯曰冷香過是乃山之前萬石
鱗綴亦但品其奇者有四一曰
露勃以其高踞擁腫類抱物

者也二者曰沆瀣卮以其從亂
石間橫出數尺有承露也一曰
藥珠浮翠平以其隆起碎朶色
望若天宮之寶花也下是復出
小灘可立曰雪鴻亦用坡公語又

去而西乃嵩山之中上為主峯
下為大洞外先植石門題曰跡
真次石壁夾徑以漸及洞口曰
煙霞窟徑盡入洞之號曰小
華陽其中可談之我可觴可

夢可琴奕可安隱節可修仙
階庭云尔也洞有二戶右入而
左出徑而躋厥顙曰振衣崑崙
立大峯其體若大人而態度靈
逸以大人而喻諸文靈逸而喻諸

僊故合而命之曰仙丈峯所以統
領羣巒超陵庶屬高而不危
靜而含動為衆山之冠冕也一峯
輔其左則朴而不陋文而存質拙
而藏巧可承也少引也謂之曰不

夫於是二者亦可以得立世之方
焉二者之外最其奇者石三而
木二石之左而前者曰慶雲小
朵前而下者曰蒼虬尾皆象形
也右而小者童子者曰海岳侍史